

## N 6.

*ohne Datierung****Konzept zur Erbteilung zwischen Michel Syffrieds Witwe und ihrem Schwager.<sup>1)</sup>***

*lose Einlage vor Bl. 189 Schmalfolio* Item Michel Seyffart hat gegeben zcufort ausz seyner frawen ôber ir trittteyl zcu dem ersten eyn gut an acker und weszen, das do leyt hynder Weyszenborn und stôst an den bach.

2° hat er ir gegeben malcz und byr auch zcu fort ausz, was do bleybt und was do czynnisz geschirsz ist.

Item 3° alles betgewant, das do bleybet, daz sal alles ir, an drey bette und 2 leyloch und 2 kôszen, dy sal sy geben seynem bruder, das sôllen dy besten seyn.

Item 4° gib er ir dy gaben, alz an wolle, garren und tuchen, das isz alles irs seyn sal und dor zcu, wenne sy dy wolle auf geerbet und zcu tuchen hat gemacht, zo sal sy ôm <sup>(a)</sup>von dem<sup>a)</sup> bestin drey tuchen das gelt reichen meynem bruder, wenn dy tuch ganz und gar bereytet seyn. Ydoch sôllen dy tuch alle drey geverbet rot und brawn seyn.

Item es ist eyn tochter vorschiden ausz meyn gûter, dy ist gewest eyn swester Luca Görtlersz und dy hat in meynen gutter gelaszen 7 ½ new ß alder wer. Der hat sich Lucas Görtler vorczyhen, dy nymmerme zcu fordern unde dorumb meyn weyb nicht anlangin und meynen bruder.

Item was do korensz ist adder bleybet adder andersz getreydesz, isz sey weysz, haber adder gerst, zo sal sy das alles mit meynen bruder gleych teylen.

Item alle cleyder, dy do meyn gewest seyn, wy vil ir seyn, grosz adder cleyn, dy sôllen alle meynen bruder und meyn weyb sal sy ôm reichen alzo walde, alz dy 4 wochen ausz komen und alz hergerette.

Item noch meynem tode sal meyn bruder meyn weyb eyn ganzes<sup>b)</sup> jar angedruffen unde on angelanget laszen umb das gut, alzo das sy isz in der czeyt mog zcu gute und gelde machen, das sy ôm mag auszrichtung gethun.

[Rückseite] Item wenn das gar ûmb kômmet, zo sal den meyn bruder sich mit meyner frawen teylen und seyne czwey teyl haben an allen gûtern, dy do bleybin, an hausz und hoffe, acker und garten, was den das ist, an an<sup>c)</sup> den gûtern, dy do zcu fort ausz vorgeben seyn.

*a-a) über die Zeile geschrieben, ersetzt durchgestrichen dy b) folgt durchgestrichen gar c) Wortwiederholung 1) Vgl. Nr. 1010*